

Vos in torreatibus, clerici, jacetis,
Cortinis et palliis, verneis tapetis.

- 35 Unum vobis nuntio: Modo si gaudetis,
In futuro seculo ve ve ve! dicetis.

Semper carnes carnibus addere curatis,
Cum pigmentis species multas madidatis.
Vino meracissimo, ciphis deauratis,

- 40 Utrem ventris sordidum sepe recreatis.

Quare dum in prandio, presules, sedetis,
Ostia pauperibus claudere jubetis?
Pauper clamat vocibus admodum quietis,
Cui vix de reliquo datur quod habetis.

- 45 Homo plus vult metere quam in agro serit,
Cui plura dominus prestat, plura querit.
Vite vobis janua semper clausa erit,
Judicis sententia quam tulit, vos ferit.

- Alios ut novimus scitis ammonere,
50 Lacrimis ut valeant crimina delere.
Illis penitentie pondus sustinere
Datis, sed non digito vultis remove.

Quid subjectis honera ferre datis dura?
Acriter autentica ferit vos scriptura:

- 55 Ea qua fueritis messi cum mensura,
Metietur dominus vobis in tritura.

Mundus in discrimine jacet convolutus,
Norma rectitudinis totus dissolutus.
Regni sui gloria rex est destitutus,

- 60 Arbiter justicie jacet quasi mutus.

Obfuscatur veritas, legis lex preclara,
Immolatur puritas pectoris in ara.
Non perfecta judicum fides, immo rara,
Magis amat munera larga quam avara.

- 65 O quam detestabilis res, cum metu flenda,
Res plena livoribus, res obstupescenda:
Non est in iudicibus fides adhibenda,
Suffocat justiciam modica prebenda.

- Qui cum ordinarii legum sint censores,
70 Judicando populos magnos et minores,
Veritati detrahunt velut proditores,
. tes omnium pauperum labores.

nach v. 44 F ganz abweichend. 62 uitas Hs. mit einem ande-
ren Abkürzungszeichen als vorher in veritas. 72 das erste Wort ganz
undeutlich.